

466

Na osnovu člana 85. Ustava Hercegovačko-neretvanskog kantona ("Službene novine HNK", broj: 2/98), Skupština Hercegovačko-neretvanskog kantona na sjednici održanoj dana 07. oktobra 2004. godine donijela je

O D L U K U

**O PROGLAŠENJU AMANDMANA
III - XII NA USTAV HERCEGOVAČKO-
NERETVANSKOG KANTONA**

I

Proglašavaju se Amandmani III - XII na Ustav Hercegovačko-neretvanskog kantona koje je usvojila Skupština Hercegovačko-neretvanskog kantona na sjednici održanoj dana 07. oktobra 2004. godine.

II

Amandmani III. - XII na Ustav Hercegovačko-neretvanskog kantona stupaju na snagu u ponoć dana 07. oktobra 2004. godine.

III

Odluka će se objaviti u "Službenim novinama Hercegovačko-neretvanskog kantona".

Bosna i Hercegovina

Federacija Bosne i Hercegovine

HERCEGOVAČKO-NERETVANSKI KANTON
SKUPŠTINA

Broj: 02-01-XII-168/04

Mostar, 07. oktobra 2004. godine

Predsjedavajući
Omer Čevra, s.r.

Na osnovu člana 85., stav 3. Ustava Hercegovačko-neretvanskog kantona, Skupština Hercegovačko-neretvanskog kantona na sjednici održanoj dana 07. oktobra 2004. godine, usvojila je sljedeće amandmane na Ustav Hercegovačko-neretvanskog kantona:

Amandman III

U članu 9., stav 1., tačka b), dodaju se riječi: "gradu ili" prije riječi "općini".

Amandman IV

Član 20., izmijenjen amandmanom I. mijenja se i glasi:

"Kanton se dužan konsultovati s gradskim i općinskim organima vlasti na odgovarajući način kada donosi propise koje se odnose na lokalnu samoupravu."

Amandman V

Član 42., stav 4., izmijenjen amandmanom I. se briše.

Amandman VI

Član 51., stav 1., tačka f) mijenja se i glasi:

"f) osiguranje da nacionalna struktura policije odražava nacionalnu strukturu stanovništva kantona, s tim da nacionalna struktura policije svake općine odnosno grada odražava nacionalnu strukturu stanovništva tog grada ili općine."

Amandman VII

Poglavlje V.A izmijenjeno amandmanom I. se briše.

Amandman VIII

Poglavlje V.B izmijenjeno amandmanom I. se stavlja van snage i zamjenjuje se novim poglavljem V.A koje glasi:

"V.A. Organizacija Mostara

- 1) U Hercegovačko-neretvanskom kantonu, Grad Mostar se organizira kao jedna teritorijalna jedinica uprave i lokalne samouprave.
- 2) Grad Mostar ima nadležnosti općine, osim ako zakonom nije drugačije propisano.
- 3) Organizacija Grada Mostara se reguliše zakonom i Statutom Grada Mostara. Statutom se određuju gradska područja u kojima gradska uprava ima svoje podružnice isključivo u svrhu pružanja usluga građanima u njihovom okruženju. Statutom se određuje broj gradskih područja.
- 4) Gradska područja su izborne jedinice. Statutom se određuje sastav Gradskog vijeća, a izborni postupak se reguliše Izbornim zakonom Bosne i Hercegovine i Statutom na način koji može odstupati od uslova propisanih u član VI.A Ustava Federacije Bosne i Hercegovine.
- 5) Postupak donošenja odluka se određuje Statutom Grada Mostara. Izuzetno od odredaba bilo kojeg zakona koji propisuje postupke glasanja, Statutom Grada Mostara može se odrediti poseban postupak glasanja Gradskog vijeća za usvajanje određenih odluka.
- 6) Vitalni nacionalni interesi konstitutivnih naroda se zaštićeni u Gradu Mostaru. Pitanja od vitalnog nacionalnog interesa su definisana u članu

467

IV.A.17.a Ustava Federacije Bosne i Hercegovine, pod uslovom da su klubovi poslanika iz člana IV.A.17.a, u svrhu Grada Mostara, oni klubovi poslanika koji su određeni Statutom Grada Mostara. Postupak zaštite vitalnih nacionalnih interesa se reguliše Statutom Grada Mostara. Taj postupak uključuje mogućnost upućivanja pitanja od vitalnog nacionalnog interesa Ustavnom суду Federacije Bosne i Hercegovine u skladu sa postupkom predviđenim u članu IV.A.18.a) tačke 5 do 8 Ustava Bosne i Hercegovine, u slučaju da se ne može doći do dogovorenog rješenja.

- 7) Samo vijećnici izabrani u Gradsko vijeće mogu biti birani za gradonačelnika Grada Mostara. Gradonačelnika bira i smjenjuje dvotrećinska većina izabranih vijećnika u skladu sa Statutom Grada Mostara.
- 8) Konstitutivni narodi i Ostali su proporcionalno zastupljeni u gradskoj upravi. Takva proporcionalna zastupljenost se zasniva na popisu iz 1991. godine, dok se Aneks 7 u potpunosti ne provede, u skladu sa članom IX.11.a Ustava Federacije Bosne i Hercegovine."

Amandman IX

U članu 70., stav 3. mijenja se i glasi:

"Mandat članova Općinskog vijeća je četiri godine."

Amandman X

U članu 71., tačka c) briše se.

Amandman XI

Član 76. mijenja se i glasi:

"Općinskog načelnika biraju demokratskim putem, birači na neposrednim i tajnim izborima na cijelom području Općine na način utvrđen zakonom."

Amandman XII

U članu 77. dodaje se stav 2. koji glasi:

"Općinski načelnik i predsjedavajući Općinskog vijeća u općinama ili općinskim vijećima višenacionalnog sastava ne mogu biti iz reda istog konstitutivnog naroda, odnosno iz reda Ostalih, izuzev u onim općinama u kojima jedan konstitutivni narod čine više od 80% stanovnika, prema posljednjem popisu stanovništva u Bosni i Hercegovini."

Bosna i Hercegovina
Federacija Bosne i Hercegovine
Hercegovačko-neretvanski kanton
S K U P Š T I N A

Broj: 02-01-XII-168-01/04
Mostar, 07. oktobra 2004. godine

Predsjedavajući
Omer Čevra,s.r.

ZAKON O ZAŠTITI OKOLINE

HERCEGOVAČKO-NERETVANSKOG KANTONA

I - OPĆE ODREDBE

Član 1.

Ovim se Zakonom uređuje zaštita okoline, radi očuvanja okoline i unapređivanja stanja okoline, smanjivanja rizika za život i zdravlje ljudi, sprječavanje štetnih uticaja na okolinu i uklanjanja njihovih posljedica, osiguranja i poboljšanja kvaliteta življenja za dobrobit sadašnjih i budućih generacija.

Zaštitom okoline osigurava se cjelovito očuvanje kvaliteta okoline, racionalno korištenje prirodnih izvora i energije na najpovoljniji način za okolinu, kao osnovni uslov zdravog i održivog razvoja.

Član 2.

Okolina ima posebnu zaštitu Hercegovačko-neretvanskog kantona (u daljem tekstu: Kanton).

Zahvatima u okolini ne smije se uticati na kvalitet življenja, na zdravlje ljudi i održivi razvoj prirode.

Upotreba i iskorištavanje prirodnih dobara, upravljanje i korištenje pojedinim dijelovima okoline provodi se pod uslovima i na način propisan posebnim propisima, ako ovim Zakonom nije određeno drugačije.

Član 3.

Osnovni ciljevi zaštite okoline su:

- trajno očuvanje izvornosti, biološke raznolikosti prirodnih zajednica i očuvanje ekološke stabilnosti;
- smanjeno korištenje, sprečavanje opterećivanja i zagađivanja okoline, kao i poboljšanje i obnova oštećene okoline;
- zaštita ljudskog zdravlja i poboljšanje uslova okoline za kvalitetu života;
- očuvanje i zaštita prirodnih resursa, racionalno korištenje resursa i takav način privrede kojim se osigurava obnova resursa;
- unapređenje stanja okoline i osiguravanje uslova za održivi razvoj.

Član 4.

Osnovni ciljevi zaštite okoline iz člana 3. ovog Zakona postižu se: